

ბ) მე-4 მუხლი ჩამოყალიბდეს შემდეგი რედაქციით:

„მუხლი 4. მარიამჯვრის სახელმწიფო ნაკრძალის ტერიტორიის მდებარეობა და საერთო ფართობი

მარიამჯვრის სახელმწიფო ნაკრძალის ტერიტორია განსაზღვრულია „დაცული ტერიტორიების სტატუსის შესახებ“ საქართველოს კანონის მე-11 მუხლით, საერთო ფართობით – 1022.5 ჰა და მდებარეობს საქართველოს აღმოსავლეთ ნაწილში, ცივგომბორის მთების სამხრეთ კალთებზე, საგარეჯოს მუნიციპალიტეტის ტერიტორიაზე.“.

2. ტექნიკური რეგლამენტის – ყაზბეგის ეროვნული პარკის ფუნქციონირების დროებითი რეგულირების წესის (დანართი 6):

ა) მე-2 მუხლი ჩამოყალიბდეს შემდეგი რედაქციით:

„მუხლი 2. ყაზბეგის ეროვნული პარკის ფუნქციონირების დროებითი რეგულირების წესის რეგულირების სფერო

ყაზბეგის ეროვნული პარკის ფუნქციონირების დროებითი რეგულირების წესი არეგულირებს ყაზბეგის ეროვნული პარკის ფარგლებში 8685,34 ჰექტარ ფართობზე არსებული ბუნებრივი რესურსების დაცვისა და გამოყენების საკითხებს.“;

ბ) მე-4 მუხლის მე-2 პუნქტი ჩამოყალიბდეს შემდეგი რედაქციით:

„2. ყაზბეგის ეროვნული პარკის ტერიტორია მოიცავს „დაცული ტერიტორიების სტატუსის შესახებ“ საქართველოს კანონის მე-6 მუხლით განსაზღვრულ ტერიტორიას, საერთო ფართობით – 8685,34 ჰა-ს.“;

გ) მე-8 მუხლის პირველი პუნქტი ჩამოყალიბდეს შემდეგი რედაქციით:

„1. ყაზბეგის ეროვნული პარკის ტრადიციული გამოყენების ზონის საერთო ფართობი შეადგენს 2968.34 ჰა ტერიტორიას, რომელიც მოიცავს №2 კვარტალის მე-5 უბანსა და №5, №6, №10, №11, №14, №18, №26, №27, №28, №29, №30, №32, №33, №34, №35, №36, №38, №41, №42, №44, №45, №49, №57, №58 კვარტალებს.“;

დ) მე-8 მუხლის მე-2 პუნქტს დაემატოს შემდეგი შინაარსის „გ.გ“ ქვეპუნქტი:

„გ.გ) ტურისტული ინფრასტრუქტურის პარამეტრი: სიმაღლე – არანაკლებ 2 მ-ისა, სიგანე – არანაკლებ 4 მ-ისა და სიგრძე – არანაკლებ 6მ-ისა;“.

3. ტექნიკური რეგლამენტის – გარდაბნის აღკვეთილის ფუნქციონირების დროებითი რეგულირების წესის (დანართი 7):

ა) მე-4 მუხლის მე-2 პუნქტი ჩამოყალიბდეს შემდეგი რედაქციით:

„2. გარდაბნის აღკვეთილი მოიცავს „დაცული ტერიტორიების სტატუსის შესახებ“ საქართველოს კანონის მე-18 მუხლით განსაზღვრულ ტერიტორიას, საერთო ფართობით – 3733.7 ჰა-ს.“;

ბ) მე-6 მუხლის მე-2 პუნქტი ჩამოყალიბდეს შემდეგი რედაქციით:

„2. გარდაბნის აღკვეთილის მართვადი დაცვის ზონის საერთო ფართობი შეადგენს 436.4 ჰა ტერიტორიას და მოიცავს შემდეგ გეოგრაფიულ კოორდინატებს:

№	X	Y	№	X	Y	№	X	Y	№	X	Y
1	509451.7	4578528	11	501729	4591566	21	500837	4588944	31	501534	4591666
2	501037	4591136	12	501997	4591223	22	500804	4589242	32	501842	4591412



3	501076	4591206	13	502069	4591205	23	500797	4589542	33	502175	4590962
4	501104	4591369	14	502077	4591102	24	500819	4589841	34	502176	4590675
5	501028	4591448	15	502208	4590838	25	500885	4590132	35	502216	4590390
6	501042	4591523	16	502209	4590903	26	500962	4590418	36	509166.2	4579074
7	501073	4591491	17	502162	4590555	27	501077	4590696	37	501253.1	4591699
8	501086	4591538	18	502339	4590080	28	501138	4590982	38	507624	4577269
9	501049	4591607	19	501001	4588482	29	501076	4591229	39	507911.7	4576710.“;
10	501322	4591774	20	500916	4588655	30	501114	4591645			

გ) მე-6 მუხლის მე-3 პუნქტს დაემატოს შემდეგი შინაარსის „ლ“ ქვეპუნქტი:

„ლ) „ტყითსარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს №242 დადგენილებით დამტკიცებული „ტყითსარგებლობის წესის“ 27¹ მუხლის პირველი პუნქტის „ა“, „ბ“, „გ“ და „ე“ ქვეპუნქტებით განსაზღვრულ შემთხვევებში, სპეციალური დანიშნულებით ტყითსარგებლობისა და ამავე ქვეპუნქტებით გათვალისწინებული არსებული ობიექტების ფუნქციონირებისთვის, რეკონსტრუქციისთვის (რეაბილიტაციისთვის) ან დემონტაჟისთვის მიწის სამუშაოების და/ან სპეციალური ჭრების ჩატარებისა, წესის 27³ მუხლის შესაბამისად, აგრეთვე საქართველოს კანონმდებლობით დაშვებული სხვა საქმიანობისა.“;

დ) მე-7 მუხლის მე-2 პუნქტი ჩამოყალიბდეს შემდეგი რედაქციით:

„2. გარდაბნის ალკვეთილის ტრადიციული გამოყენების ზონა შეადგენს 3103,4 ჰექტარს და მოიცავს გარდაბნის ალკვეთილის ტერიტორიის იმ დარჩენილ ნაწილს, რომელიც არ არის განსაზღვრული ამ წესის დანართი 7-ის მე-6 მუხლის მე-2 პუნქტით.“.

4. ტექნიკური რეგლამენტის – ქობულეთის დაცული ტერიტორიების ფუნქციონირების დროებითი რეგულირების წესის (დანართი 10):

ა) მე-4 მუხლის მე-2 პუნქტი ამოღებულ იქნეს;

ბ) მე-5 მუხლის პირველი პუნქტი ჩამოყალიბდეს შემდეგი რედაქციით:

„1. ქობულეთის სახელმწიფო ნაკრძალის ფართობი შეადგენს 316.4 ჰექტარს.“;

გ) მე-6 მუხლის პირველი პუნქტი ჩამოყალიბდეს შემდეგი რედაქციით:

„1. ქობულეთის ალკვეთილის ფართობი შეადგენს 466.3 ჰექტარს.“.

5. ტექნიკური რეგლამენტის – ივრის ალკვეთილის ფუნქციონირების დროებითი რეგულირების წესის (დანართი 13):

ა) მე-4 მუხლი ჩამოყალიბდეს შემდეგი რედაქციით:

„მუხლი 4. ივრის ალკვეთილის ტერიტორიის მდებარეობა და საერთო ფართობი

ივრის ალკვეთილის ტერიტორია განსაზღვრულია „დაცული ტერიტორიების სტატუსის შესახებ“ საქართველოს კანონის მე-14 მუხლით, საერთო ფართობით – 2126.8 ჰა და მდებარეობს საქართველოს სამხრეთ აღმოსავლეთ ნაწილში, სიღნაღის მუნიციპალიტეტის ადმინისტრაციულ საზღვრებში, მდ. იორის ხეობაში.“;



ბ) მე-5 და მე-6 მუხლები ამოღებულ იქნეს;

გ) მე-7 მუხლი ჩამოყალიბდეს შემდეგი რედაქციით:

„მუხლი 7. ივრის ალკვეთილის ტერიტორიაზე დაშვებული და აკრძალული საქმიანობა

1. ივრის ალკვეთილი შექმნილია გარეულ ცხოველთა და ველურ მცენარეთა, მათ შორის, საქართველოს „წითელ ნუსხაში“ შეტანილ სახეობათა დაცვისა და ადამიანის მხრიდან სპეციალური მოვლისა და აღდგენა-განახლებითი ღონისძიებების ჩატარებისათვის.

2. ივრის ალკვეთილის ტერიტორიაზე „დაცული ტერიტორიების სისტემის შესახებ“ საქართველოს კანონის შესაბამისად, დაშვებულია შემდეგი საქმიანობები:

ა) ტერიტორიაზე ეკოლოგიური წონასწორობის შენარჩუნება;

ბ) ტერიტორიაზე არსებული ეკოსისტემისა და მის ფარგლებში გავრცელებულ გარეულ ცხოველთა და ველურ მცენარეთა სახეობების დაცვა, მოვლა და აღდგენა;

გ) ტყის ეკოსისტემების დაცვა, მოვლა და აღდგენა;

დ) არამანიპულაციური და მანიპულაციური სამეცნიერო კვლევა;

ე) საგანმანათლებლო საქმიანობა;

ვ) საგანმანათლებლო და სამეცნიერო საქმიანობის მიზნით, შეზღუდული რაოდენობის საკერბარიუმო მასალის შეგროვება;

ზ) დაცვის, ტურისტული და რეკრეაციული ინფრასტრუქტურის შექმნა და მოწყობა;

თ) აღდგენითი ღონისძიებების განხორციელების მიზნით მუდმივი და დროებითი სანერგეების მოწყობა და ცხოველთა სამყაროს აღდგენის მიზნით, ვოლიერების მოწყობა;

ი) სტიქიური უბედურებების, კატასტროფის, საგანგებო მდგომარეობისა და აღდგენითი სამუშაოების დროს, სამსახურებრივი მოვალეობის განხორციელების მიზნით, ტრადიციული გამოყენების ზონის ტერიტორიაზე ავტო, მოტო და საჰაერო სატრანსპორტო საშუალებებით გადაადგილება;

კ) მონიტორინგის სამუშაოთა წარმოება;

ლ) ბუნებრივი რესურსების აღრიცხვა;

მ) გზებზე ტრანსპორტით გადაადგილება;

ნ) ვიზიტორთა ყოფნა და გადაადგილება;

ო) გზების მოვლა, ბილიკების მოვლა და მოწყობა;

პ) სამოყვარულო და სპორტული თევზაობა;

ჟ) ივრის ალკვეთილის მიმდებარე დასახლებული პუნქტების მოსახლეობის პირადი მოხმარებისათვის საქართველოს კანონმდებლობით დადგენილი წესით არამერქნული რესურსებით სარგებლობა, ტყის მერქნიანი მცენარეების პროდუქტებით სარგებლობა, ხის მეორეხარისხოვანი მასალებით სარგებლობა. სოციალური ჭრების შედეგად მიღებული მერქნით სარგებლობა (არსებული რესურსის გათვალისწინებით, გამოყოფილი ტყეკაფიდან ერთ კომლზე გაიცემა არაუმეტეს 5 მ³ საშუალო მერქნისა), მოვება (ტყით დაუფარავ ფართობში), საქონლის სატრანსპორტო გადარეკვა იმ შემთხვევაში, თუ საქონლის გადარეკვა სხვა მხრიდან შეუძლებელია. ცხოველთა სამყაროსათვის დამატებითი საკვების შექმნის მიზნით, ხვნა-თესვა და საკვებური მოედნის მოწყობა, თიბვა, საფუტკრეების მოწყობა, სადაც სკვების რაოდენობა არ უნდა აღემატებოდეს 500 ძირს, სოკოს, ხილ-კენკრის შეგროვება,



„ტყითსარგებლობის წესის დამტკიცების შესახებ“ საქართველოს მთავრობის 2010 წლის 20 აგვისტოს №242 დადგენილებით დამტკიცებული „ტყითსარგებლობის წესის“ მე-12 მუხლის მე-12 და მე-13 პუნქტებით განსაზღვრული საქმიანობა, ამავე წესის 27¹ მუხლის პირველი პუნქტის „ა“, „ბ“, „გ“ და „ე“ ქვეპუნქტებით განსაზღვრულ შემთხვევებში, სპეციალური დანიშნულებით ტყითსარგებლობა და ამავე ქვეპუნქტებით გათვალისწინებული არსებული ობიექტების ფუნქციონირებისთვის, რეკონსტრუქციისთვის (რეაბილიტაციისთვის) ან დემონტაჟისთვის მიწის სამუშაოების და/ან სპეციალური ჭრების ჩატარება, წესის 27³ მუხლის შესაბამისად, აგრეთვე საქართველოს კანონმდებლობით დაშვებული სხვა საქმიანობა;

რ) ივრის ალკვეთილის ტერიტორიაზე მოწყობილ სამონადირეო მეურნეობაში დაშვებულია ნადირობა, სამონადირეო მეურნეობის სპეციალური ლიცენზიის მფლობელთან შეთანხმებითა და კანონმდებლობით დადგენილი წესით.

3. მკაცრი კონტროლის პირობებში განახლებადი ბუნებრივი რესურსების მოხმარების დროს გათვალისწინებული უნდა იქნეს ივრის ალკვეთილის ძირითადი მიზნების განხორციელებისათვის აუცილებელი ხელის შემწყობი პირობები. სოციალური ჭრის ჩატარებისას უპირატესად უნდა გაიცეს მოთხრილ-მოტეხილი, დაავადებული და ზეხმელი ხეები.

4. „სასარგებლო წიაღისეულის მოპოვების ლიცენზიის გაცემის წესისა და პირობების შესახებ დებულების დამტკიცების თაობაზე“ საქართველოს მთავრობის 2005 წლის 11 აგვისტოს №136 დადგენილებით დამტკიცებული დებულების 2¹ მუხლით განსაზღვრულ შემთხვევებში, დაშვებულია მიწისქვეშა წყლებით სარგებლობა.“.

მუხლი 2

იმ დაცულ ტერიტორიებზე, რომლებზეც არ არის დამტკიცებული მენეჯმენტის გეგმა და/ან ფუნქციონირების დროებითი რეგულირების წესი, არსებული ინფრასტრუქტურული ობიექტებით სარგებლობაზე, მოვლა-პატრონობაზე, მათი ფუნქციონირებისთვის, რეკონსტრუქციისათვის (რეაბილიტაციისათვის) ან/და დემონტაჟისათვის საჭირო სამუშაოების, მათ შორის, მიწის სამუშაოების და/ან სპეციალური ჭრების განხორციელებაზე, აგრეთვე „საქართველოს „წითელი ნუსხისა“ და „წითელი წიგნის“ შესახებ“ საქართველოს კანონით დაცული გადაშენების საფრთხის წინაშე მყოფი ველური მცენარეების ან მათი ნაწილების მოპოვებაზე (ბუნებრივი გარემოდან ამოღება), ყოველ კონკრეტულ შემთხვევაში, გადაწყვეტილებას იღებს საქართველოს მთავრობა.

მუხლი 3

დადგენილება ამოქმედდეს გამოქვეყნებისთანავე.

პრემიერ - მინისტრი

მამუკა ბახტაძე

